

Broj :05-45-5-9666-2/25
Sarajevo , 23.12.2025.godine

**PARLAMENT FEDERACIJE
PREDSTAVNIČKI / ZASTUPNIČKI DOM**

Tajnica /Sekretarka

**Hamdije Kreševljakovića br. 3.
71 000 Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilijeno:	24-12-2025		
Org. jed.	Broj	Priloga	Vrijednost
05/1	-02-	753	/25

PREDMET: *Odgovor na poslaničko pitanje koje postavila poslanica Melika Mahmutbegović, dostavlja se*

Poštovani,

Federalno ministarstvo zdravstva je uz svoj Akt broj:04-33-7288/25 od 05.12.2022.godine (zaprimljen dana 15.12.2025.godine) dostavilo/prosljedilo poslaničko pitanje koje je poslanica Melika Mahmutbegović postavila ovom ministarstvu na 26. redovnoj sjednici Predstavničkog doma Parlamenta Federacije BiH održanoj dana 20.11.2025.godine.

U vezi sa navedenim poslaničkim pitanjem Federalno ministarstvo zdravstva je zatražilo od Zavoda zdravstvenog osiguranja i reosiguranja Federacije BiH da „dostavi odgovor na pitanja iz svoje nadležnosti“ te se pozvalo na vezu - Akt Vlade Federacije BiH broj:03-04-1954-2077/2025 od 02.12.2025.godine.

U vezi gore navedenog poslaničkog pitanja , u prilogu ovog akta se dostavlja Odgovor .

S poštovanjem,

Priloga(1)

Dostaviti: 1. Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O.

Veza - Akt Vlade Federacije BiH
broj:03-04-1954-2077/2025 od 02.12.2025.godine

3. Federalno ministarstvo zdravstva C.O.

Veza - Akt Federalnog ministarstva zdravstva
broj:04-33-7288/25 od 05.12.2022.godine

4.a/a

Izv. prof. dr. sc. *Milica Martinović, dr.med.*





Broj :05-45-5-9666-1/25
Sarajevo , 23.12.2025.godine

ODGOVOR

*NA POSLANIČKO PITANJE KOJE JE POSTAVILA MELIKA MAHMUTBEGOVIĆ,
POSLANICA U PREDSTAVNIČKOM DOMU PARLAMENTA FEDERACIJE BIH*

Sarajevo decembar 2025. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zsofbih.ba
Web: www.zsofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808



Federalno ministarstvo zdravstva je uz svoj Akt broj:04-33-7288/25 od 05.12.2022.godine (zaprimljen dana 15.12.2025.godine) dostavilo/prosljedilo poslaničko pitanje koje je poslanica Melika Mahmutbegović postavila ovom ministarstvu na 26. redovnoj sjednici Predstavničkog doma Parlamenta Federacije BiH održanoj dana 20.11.2025.godine.

U vezi sa navedenim poslaničkim pitanjem Federalno ministarstvo zdravstva je zatražilo od Zavoda zdravstvenog osiguranja i reosiguranja Federacije BiH da „dostavi odgovor na pitanja iz svoje nadležnosti“ te se pozvalo na vezu-Akt Vlade Federacije BiH broj:03-04-1954-2077/2025 od 20.11.2025.godine.

U vezi gore navedenog poslaničkog pitanja poslanice u Predstavničkom domu Parlamenta Federacije BiH Melike Mahmutbegović, a koje glasi:

„Da li je ministarstvo uradilo nešto u pogledu aktualne situacije kada su u pitanju ostvarivanja prava pacijenata po vertikalnom programu? Patnju koju doživljavaju pacijenti odnosno nedostatak terapije, duge liste i aktuelnosti oko prestanka odluke o finansiranju ovih pacijenata kao i finansiranju rijetkih bolesti. Da li je ministarstvo u ovom momentu učinilo neke korake? Ako nije da li ih planira i da dobijemo o tom informaciju?

daju se, u okviru nadležnosti Zavoda zdravstvenog osiguranja i reosiguranja Federacije BiH, vezanih za navedeno pitanje, sljedeći:

ODGOVOR/I

I

Prije svega, a vezano za nadležnosti Zavoda zdravstvenog osiguranja i reosiguranja Federacije BiH, napominje se da ovaj Zavod postupa saglasno nadležnostima propisanim odredbama Zakona o zdravstvenom osiguranju („Službene novine Federacije BiH”, br. 30/97, 07/02, 70/08, 48/11, 36/18 i 61/22), odredbama Zakona o zdravstvenoj zaštiti („Službene novine Federacije BiH”, br. 46/10 i 75/13) i drugim pozitivnim propisima koji se odnose na rad ovog Zavoda odnosno saglasno Odluci o utvrđivanju Osnovnog paketa zdravstvenih prava („Službene novine Federacije Bosne i Hercegovine”, broj: 21/09) i Odluci o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine („Službene novine Federacije BiH”, br. 08/05, 11/07, 44/07, 97a/07, 33/08 i 52/08) osiguranim licima na teritoriji Federacije Bosne i Hercegovine, na teret sredstava fonda solidarnosti Federacije Bosne i Hercegovine obezbjeđuje ostvarivanje prava na zdravstvenu zaštitu.

Saglasno odredbama Zakona o javnim nabavkama („Službeni glasnik BiH”, br. 39/14, 59/22 i 50/24) i podzakonskih akata donesenih na osnovu ovog Zakona, odredbama Odluke o utvrđivanju osnovnog paketa zdravstvenih prava, odredbama Odluke o listi lijekova Fonda solidarnosti Federacije Bosne i Hercegovine („Službene novine Federacije BiH”, broj: 47/19, 90/19, 58/23, 23/24 i 100/24) i saglasno odredbama drugih materijalnih propisa, ovaj Zavod između ostalih, provodi i postupke javnih nabavki zdravstvenih usluga, medicinskih sredstava i lijekova koje se finansiraju iz sredstava federalnog fonda solidarnosti, za tekuću godinu, a po planovima javnih nabavki za tekuću godinu i u okviru odobrenih finansijskih sredstava važećim finansijskim planovima ovog Zavoda.

II

U vezi Odluku o sufinansiranju pruženih zdravstvenih usluga i nabave lijekova broj: 02/I-01-1-1572-1/19 od 23.04.2019.godine , broj: 02/I-01-1-4108-1/19 od 26.11.2019.godine, broj: 02/I-01-1-1198-1/20 od 08.04.2020.godine i broj: 02/I-01-1-3472-1/20 od 17.12.2020.godine , broj: 02/I-01-1-2963-1/21 od 29.09.2021.godine , broj: 02/I-01-1-2522/23 od 30.05.2023.godine , broj: 02/I-01-1-913/24 od 27.02.2024.godine , broj: 02/I-01-1-5359-1/24 od 23.10.2024.godine , broj:01-04-1-908/25 od 14.02.2025.godine i broj:01-04-1-6827/25 od 07.10.2025.godine (u daljem tekstu:Odluka o sufinasiranju) odnosno u vezi njene zadnje (od 07.10.2025.godine) obustave od primjene daje sljedeće pojašnjenje.

Pravni osnov za donošenje Odluke o sufinansiranju sadržan je u odredbi člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana , kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini”.

Saglasno ranije navedenom pravnom osnovu donesena je Odluka o sufinansiranju te je donesena, kao i za svaku kalendarsku godinu od donošenja Odluke o sufinansiranju, Odluka o procentualnom iznosu sredstava u okviru finansijskog plana za 2025.godinu za sufinansiranje zdravstvenih usluga i lijekova, te su izdvojena sredstva u okviru Finansijskog plana Zavoda zdravstvenog osiguranja i reosiguranja Federacije BiH , za 2025.godinu, u određenom procentualnom iznosu od doprinosa za obavezno zdravstveno osiguranje za finansiranje troškova pruženih zdravstvenih usluga , nabavke lijekova i medicinskih sredstava u 2025.godini odnosno u Financijskom planu Zavoda za 2025 godinu, za ovu namjenu izdvojeno je 500.000 KM. Kada se ta sredstva iskoriste, odluka se obustavlja od primjene do usvajanja novog Financijskog plana za iduću godinu te je tako postupljeno i u 2025.godini i donesena je Odluka o obustavi primjene Odluke o sufinansiranju dok se ne osigura dovoljno finansijskih sredstava, a koje će ponovno omogućiti sufinansiranje troškova u smislu Odluke o sufinansiranju odnosno do usvajanja novog Financijskog plana za iduću odnosno 2026.godinu . Zahtjevi koji budu podneseni tokom perioda kada sredstva nisu dostupna, bit će riješeni odmah po usvajanju novog Financijskog plana za 2026.godinu kako je to precizirano odredbama predmetne Odluke o obustavi odnosno po osiguranju dovoljno finansijskih sredstava, Zavod zdravstvenog osiguranja i reosiguranja Federacije BiH odnosno Upravno vijeće ovog zavoda će donijeti posebnu odluku kojom se stavlja van snage odluka o obustavi primjene odluke o sufinansiranju i uspostavlja ponovna primjena odluke o sufinansiranju.

Osim što postoji pravni osnov za donošenje ove Odluke, ranije naveden, treba napomenuti da se kroz praksu postupanja po zahtjevima osiguranih lica u Federaciji BiH za dodjelu finansijske pomoći od strane Federalnog zavoda, a vezano za pružanje usluga zdravstvene zaštite, ukazala potreba za jasnim i preciznim definisanjem kriterija, načina i postupka ostvarivanja prava na sufinansiranje troškova pruženih zdravstvenih usluga i nabavke lijekova za prioritetne federalne programe zdravstvene zaštite, odnosno prioritetne najsloženije oblike zdravstvene zaštite iz određenih specijalističkih djelatnosti utvrđene Odlukom o osnovnom paketu, odnosno utvrđene Odlukom o prioritetnim programima odnosno odredbama Pravilnika o liječenju, u inostranstvu, u onim izuzetnim slučajevima koji nisu definisani postojećim propisima, a za koje zbog svoje specifičnosti i uz propisane uslove ovom odlukom, postoji potreba za sufinansiranjem odnosno da se i u ovim, izuzetnim

slučajevima, teško bolesnim osiguranim osobama omogućiti financijska pomoć za liječenje i nabavku lijekova, te olakša pristup liječenju i pomoći, naravno i podrazumjeva se u okviru odobrenih sredstava za ove namjene.

Daje se i pojašnjenje da pravo na dodjelu finansijskih sredstava za sufinansiranje troškova u smislu Odluke o sufinansiranju mogu ostvariti lica koja imaju status osiguranog lica kod nadležnog kantonalnog zavoda zdravstvenog osiguranja u Federaciji BiH (u daljem tekstu: osigurana lica), da su teško bolesna odnosno da imaju potrebu za dodatnim zdravstvenim uslugama odnosno lijekovima, u slučajevima: kada su isti obuhvaćeni odredbama važećeg Pravilnika o liječenju u inostranstvu, a da nije postupljeno po proceduri preciziranoj odredbama Pravilnika o liječenju u inostranstvu; u slučaju kada nisu obuhvaćene odredbama važećeg Pravilnika o liječenju u inostranstvu, uz ispunjavanje kriterija da nisu postojali uslovi u ugovornim zdravstvenim ustanovama u Federaciji BiH za pružanje zdravstvenih usluga iz Odluke o osnovnom paketu i Odluke o prioritetnim programima, za koje se traži finansijska pomoć za sufinansiranje troškova; kada se radi o lijekovima koji nisu obuhvaćeni ostalim odlukama Upravnog odbora vezanim za lijekove, a koji se ne nalaze u važećoj Odluci o listi lijekova fonda solidarnosti Federacije Bosne i Hercegovine ili se nalaze u Odluci o listi lijekova u dijelu posebni program za koji nisu osigurana dodatna finansijska sredstva, uz ispunjavanje kriterija da se radi o primjeni lijekova kod pružanja zdravstvenih usluga propisanih odlukom odnosno sa istim indikacijama za primjenu lijekova navedenim u Odluci o listi lijekova i kada se radi o pruženim zdravstvenim uslugama iz Odluke o osnovnom paketu i Odluke o prioritetnim programima, kada je došlo do propuštanja propisane procedure od strane pacijenta odnosno njegovog roditelja/staratelja, u slučaju da se radi o pruženim zdravstvenim uslugama za djecu do navršanih 15 godina i za starije maloljetnike do navršanih 18 godina.

Pravo na finansijska sredstva za sufinansiranje troškova u smislu ove odluke, ostvaruju lica u gore navedenim slučajevim uz ispunjavanje kriterija, dostavu dokumentacije i po postupku preciziranom Odlukom o sufinansiranju pri čemu je finansijska pomoć – do 20.000 KM za liječenje i do 10.000 KM za lijekove, a jedno osigurano lice, bez obzira da li se radi o jednoj ili više različitih zdravstvenim usluga odnosno bez obzira da li se radi o nabavci/primjeni lijekova kod pružanja jedne ili više različitih zdravstvenih usluga, može, u toku jedne kalendarske godine koristiti finansijska sredstva kojim se sufinansiraju troškovi u ukupnom iznosu koji ne može biti veći od 20.000,00 KM.

O navedenom je na web stranici ovog Zavoda <https://zzofbih.ba/> pod „AKTUALNOSTI“ objavljeno dana 27.10.2025.godine „OBAVJEŠTENJE ZA JAVNOST“ kao i „Saopćenje za medije – pojašnjenje Odluke o sufinansiranju pruženih zdravstvenih usluga i nabave lijekova“

Dakle, Zavod nastavlja financirati sve zdravstvene usluge i lijekove, te i lijekove za onkološke pacijente, iz svoje nadležnosti sukladno osiguranim sredstvima u Financijskom planu Zavoda za 2025 godinu, kao što je naveo u i svom ranije navedenom „OBAVJEŠTENJU ZA JAVNOST“ od 27.10.2025., a vezano za Odluku o sufinansiranju, ponavlja se da će po osiguranju dovoljno finansijskih sredstava odnosno nakon usvajanja novog Financijskog plana za 2026.godinu, Zavod zdravstvenog osiguranja i reosiguranja Federacije BiH odnosno Upravno vijeće ovog Zavoda donijeti posebnu odluku kojom se stavlja van snage odluka o obustavi primjene odluke o sufinansiranju i uspostavlja ponovna primjena odluke o sufinansiranju. kao što je naveo u i svom ranije navedenom „Saopćenju za medije.....“.

Zavod u kontinuitetu provodi sve aktivnosti iz svog djelokruga s ciljem neometane dostupnosti lijekova i terapija za sve osigurane osobe te i lijekova i terapija za onkološke pacijente.

Zavod, u saradnji sa zdravstvenim ustanovama, nadležnim institucijama i drugim relevantnim subjektima, kontinuirano prati stanje u oblasti nabave i snabdijevanja lijekova, te u okviru svojih zakonskih ovlašćenja preduzima sve potrebne mjere radi očuvanja stabilnosti sistema i dostupnosti terapija pacijentima te i onkološkim pacijentima. Ostaje u potpunosti posvećen zaštiti prava osiguranih osoba, kao i obezbjeđivanju jednakog pristupa zdravstvenim uslugama i lijekovima, sukladno važećim propisima i raspoloživim finansijskim sredstvima.

Kako su se, vezano za gore navedeno u zadnjem periodu u javnosti pojavile izjave koje se odnose na navodnu obustavu finansiranja nabavke lijekova za onkološke pacijente od strane Zavoda zdravstvenog osiguranja i reosiguranja Federacije BiH, treba naglasiti i da je Zavod zdravstvenog osiguranja i reosiguranja Federacije BiH u ranije navedenom i objavljenom „OBAVJEŠTENJU ZA JAVNOST“, „ljubazno pozvao sve medijske kuće i novinare da, prije objave informacija koje se odnose na rad Zavoda, provjere tačnost navoda putem zvaničnih kanala komunikacije.“ te je dalje u ovom obavještenju naglasio da „Objavljivanje neprovjerenih i netačnih informacija može dovesti do nepotrebne zabrinutosti pacijenata, obmanjivanja javnosti i narušavanja ugleda Zavoda, koji svakodnevno djeluje u interesu osiguranih osoba i stabilnosti zdravstvenog sustava Federacije BiH.“

III

U vezi nabavke lijekova, pored gore navedenog/ih u tački I pravnog osnova, napominje se i da Zavod zdravstvenog osiguranja i reosiguranja Federacije BiH kontinuirano prati stanje snabdjevenosti lijekovima u svim zdravstvenim ustanovama koji koriste lijekove koji se finansiraju sredstvima fonda solidarnosti Federacije BiH. Dakle što se tiče nabavke lijekova koji se finansiraju iz sredstava Federalnog fonda solidarnosti, Zavod ima zaključene ugovore s dobavljačima i redovno vrši naručivanje lijekova u skladu s trebovanjima zdravstvenih ustanova.

Ukoliko određene nestašice pojedinih lijekova postoje na tržištu, za iste Agencija za lijekove i medicinska sredstva BiH objavljuje informacije da su deficitarni. Prema obavještenju objavljenom na službenoj stranici Agencije, u privremenom ili trajnom prekidu prometa nalaze se lijekovi koje su i zdravstvene ustanove prijavile kao deficitarne.

Uzroci privremenih prekida u snabdijevanju su različiti – od zastoja u proizvodnji i reorganizacije proizvodnih procesa, preko ograničenih kapaciteta proizvođača i nestašice aktivnih supstanci, do kašnjenja u proizvodnji serija namijenjenih za tržište BiH.

Pored toga, za neke lijekove dobivamo obavijesti dobavljača/proizvođača o trenutnoj nemogućnosti isporuke lijekova zbog procedura uvoza i kontrola serije lijekova.

Također u praksi, zdravstvene ustanove jednom tjedno obavještavaju Zavod o deficitarnim lijekovima..

Napominje se da se na web stranici ovog Zavoda <https://zzofbih.ba/aktualnosti/novosti-zavoda/> daju odgovarajuća obavještenja te i obavještenja vezana za određene nestašice pojedinih lijekova, a koja se dobijaju i saglasno obavještenjima Agencije za lijekove i medicinska sredstva BiH te kao primjer navodimo obavještenje: Privremeni/trajni prekid u prometu lijekova – Stanje sa datumom: 09.10.2025., 15.10.2025., 23.10.2025., 04.11.2025 , 11.11.2025. 27.11.2025. i 12.12.2025.godine prema Obavještenju sa stranice Agencije za lijekove i medicinska sredstva BiH u privremenom/trajnom prekidu prometa, u kojima su dati detaljni navodi koji se tiču nabavke lijekova, specifičnosti i problemi vezani za ove nabavke, a koje ponavljamo (između ostalog: malo tržište BiH, poremećaji na tržištu lijekova-deficitarnost, kašnjenja u proizvodnji i distribuciji pojedinih lijekova, nemogućnost uvoza od strane dobavljača, problemi kod interventnog uvoza neregistriranih lijekova, za koje je potrebno dobiti i dozvolu uvoza od Federalnog ministarstva zdravstva, kao i kontrola serije u Agenciji za lijekove i medicinska sredstva i dr.), te i načini rješavanja istih od strane ovog

Zavoda, a sve u cilju kontinuirane nabavke istih da ne bi bili ugroženi životi i zdravlje pacijenata.

Zavod kontinuirano prati stanje snabdijevnosti lijekovima u svim zdravstvenim ustanovama koje koriste lijekove finansirane iz sredstava Federalnog fonda solidarnosti i poduzima sve aktivnosti iz svoje nadležnosti kako bi se osigurala dostupnost lijekova i kontinuitet terapije za pacijente.

IV

U vezi listi čekanja napominje se da se korištenje lijekova s Liste lijekova fonda solidarnosti iz Odluke o listi lijekova Fonda solidarnosti Federacije Bosne i Hercegovine ("Službene novine Federacije BiH", broj: 47/19 , 90/19 , 58/23 , 23/24 i 100724) obavlja saglasno sa utvrđenim stručno-medicinskim uputstvima izdatim od strane federalnog ministra, u skladu sa Odlukom o utvrđivanju osnovnog paketa zdravstvenih prava, Pravilnikom o kriterijima, kao i propisima kojima se regulira rad Federalnog fonda solidarnosti.

Uvođenje osiguranika u pravo korištenja lijekova s Liste lijekova Fonda solidarnosti obavlja Povjerenstvo za utvrđivanje prava korištenja lijekova koje imenuje direktor Federalnog zavoda, uz prethodnu suglasnost federalnog ministra. Povjerenstvo za utvrđivanje prava korištenja lijekova su ljekari specijalisti iz svih oblasti, u zavisnosti o kojoj se komisiji radi, a uvođenje osiguranika u pravo korištenja lijekova, kao i formiranje Listi čekanja ovisi o raspoloživim sredstvima Zavoda.

Treba napomenuti i da Saglasno odluci o kriterijima i načinu korištenja sredstava fonda solidarnosti federacije Bosne i Hercegovine „Za osigurana lica kod kojih medicinski indicirana potreba, koja predstavlja osnov za korištenje zdravstvene zaštite na teret sredstava federalnog fonda solidarnosti, nastupi u razdoblju kada je već pružena zdravstvena zaštita za broj slučajeva određen u programu zdravstvene zaštite, finansijskom planu Federalnog zavoda za fiskalnu godinu, te planu javnih nabavki Federalnog zavoda za fiskalnu godinu, kao i u pojedinačnom ugovoru zaključenom sa zdravstvenom ustanovom, ove odluke, odnosno kada su već iskorištena sredstva federalnog fonda solidarnosti osigurana za odnosnu fiskalnu godinu, u ugovorenoj zdravstvenoj ustanovi formira se lista čekanja na način utvrđen odredbama Pravilnika o načinu ostvarivanja prava iz obaveznog zdravstvenog osiguranja. Za osigurana lica kod kojih je indicirana potreba za pružanje zdravstvenih usluga ili korištenja lijekova, a sredstva za ove namjene su već iskorištena, osigurano lice evidentira se na listu čekanja".

U vezi osiguranja dodatnih finansijskih sredstava za Fond solidarnosti da bi se smanjile te i što je krajnji cilj, ukinule lste čekanja napominje se i da je Federalno ministarstvo zdravstva u svojoj obavijesti pod „Novosti" sa naslovom „Pri kraju izrada nove Liste lijekova Fonda solidarnosti FBiH", između ostalog navelo:

„Federalno ministarstvo zdravstva, u saradnji sa Zavodom zdravstvenog osiguranja i reosiguranja FBiH, pristupilo je finalizaciji izrade Liste lijekova Fonda solidarnosti, koja će do kraja godine biti upućena u proceduru usvajanja.

Napominjemo da će sadržaj i obuhvat nove Liste lijekova u značajnoj mjeri ovisiti od raspoloživih finansijskih sredstava. Naglašavamo da je u okviru procesa izrade Dokumenta okvirnog budžeta Federacije BiH za period 2026-2028, Federalno ministarstvo zdravstva

samo za finansiranje Fonda solidarnosti u 2026. godini zatražilo 149 miliona KM, dok je za cjelokupno zdravstvo za 2026. godinu odobreno nešto više od 131 milion KM.

Podsjećamo, Federalni fond solidarnosti se finansira tako što se 10,20% sredstava obaveznog zdravstvenog osiguranja, koji se prikupljaju na nivou kantona, uplaćuje u Fond solidarnosti. Prema Zakonu o zdravstvenom osiguranju, isti iznos prikupljenih sredstava bi trebao biti dodatno osiguran iz Budžeta Federacije BiH.

Međutim, iako se iz Budžeta uplaćuje manji iznos od zakonski propisanog, važno je istaći da je Vlada Federacije BiH u 2025. godini značajno povećala izdvajanja za Fond solidarnosti. Transfer za Fond solidarnosti povećan je za 20 miliona KM u odnosu na 2024. godinu, a ukupni iznos udvostručen je u odnosu na prethodne godine.

Federalno ministarstvo zdravstva svjesno je da postojeća sredstva nisu dovoljna da pokriju sve potrebe Fonda solidarnosti. Zbog toga će Ministarstvo zajedno s Vladom Federacije BiH, nastaviti raditi na pronalaženju dodatnih izvora finansiranja, kako bi što veći broj pacijenata imao pristup neophodnim i inovativnim terapijama."

Može se zaključiti da bi se postupajući prije svega saglasno pozitivnim propisima od strane nadležnih organa i obezbjeđenjem saglasno istim potrebnih/dostatnih sredstava za federalni fond solidarnosti , ukinule Liste čekanja svih pacijenata kojima su potrebni lijekovi i usluge koji se finansiraju sredstvima fonda solidarnosti.

Dakle da bi se smanjile Liste čekanja pa po mogućnosti i ukinule Liste čekanja i riješio problem uvođenja osiguranika u pravo korištenja zdravstvene zaštite , potrebno je osigurati dodatna finansijska sredstva za Fond solidarnosti.

V

Treba napomenuti vezano za nadležnosti da je Federalno ministarstvo zdravstva nadležno saglasno članu 20. Zakona o organizaciji uprave u Federaciji BiH („Službene novine Federacije BiH”, broj 35/05) i za pripremu propisa te, saglasno navedenom članu ,organi uprave ,, pa i Federalno ministarstvo zdravstva, ,, dužni su da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti , odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni.."

Osим ranijih navoda vezanih za nadležnost za pripremu zakona i drugih propisa u Federaciji BiH treba napomenuti i da je saglasno odredbama Zakona o organizaciji uprave u Federaciji Bosne i Hercegovine („Službene novine Federacije BiH" , broj:35/5) i to čl. 23. i 24. između ostalog propisano, da su organi uprave osnovani , između ostalog i za praćenje stanja u oblastima ,a navedeno se odnosi „...prvenstveno na stanje izvršavanja zakona i drugih propisa..." te je propisano „da su „...organi uprave odgovorni u okviru svojih nadležnosti za stanje u oblastima za koje su osnovani i to u pogledu izvršavanja zakona i drugih propisa..." te saglasno navedenom Federalno ministarstvo zdravstva kao organ uprave prati stanje u oblasti zdravstva i „odgovorno je u okviru svojih nadležnosti za stanje u oblasti za koje je osnovano i to u pogledu izvršavanja zakona i drugih propisa" odnosno odgovorno je za stanje u oblasti zdravstva te i u pogledu izvršavanja zakona i drugih propisa na federalnom nivou, a koji se odnose na zdravstvo.

U vezi nadležnosti vezanih za Odluku o Listi lijekova fonda solidarnosti Federacije BiH prije svega ističemo da je članom 44. stav (1) Zakona o apotekarskoj djelatnosti („Službene novine Federacije BiH”, broj:40/10) propisano da se „Snabdijevanje lijekovima koji se koriste na teret sredstava Fonda solidarnosti Federacije Bosne i Hercegovine obavlja u skladu sa Listom lijekova Fonda solidarnosti Federacije Bosne i Hercegovine, koju na prijedlog federalnog ministra, utvrđuje Vlada Federacije Bosne i Hercegovine.”

Saglasno navedenom Vlada Federacije BiH na prijedlog federalnog ministra zdravstva donijela je Odluku o Listi lijekova fonda solidarnosti Federacije BiH („Službene novine Federacije BiH”, br.47/19,90/19,58/23 , 23/24 i 100/24).

Napominje se i da ovaj Zavod , saglasno Pravilniku o bližim kriterijima za izbor lijekova, postupku i načinu uzrade Liste lijekova fonda solidarnosti Federacije Bosne i Hercegovine, kao i korištenju lijekova sa Liste lijekova fonda solidarnosti Federacije Bosne i Hercegovine („Službene novine Federacije BiH”, br.36/11, 60/12 i 23/24) nije nadležan za podnošenje zahtjeva Federalnom ministarstvu zdravstva, za izmjene i dopune Liste lijekova fonda solidarnosti Federacije BiH, nego drugi organi, propisani članom 12. ovog Pravilnika (proizvođač, zastupnik odnosno predstavnik inostranog proizvođača, pravno lice sa sjedištem u BiH na koje je proizvođač koji ima dozvolu za stavljanje lijeka u promet u BiH prenio dozvolu za stavljanje lijeka u BiH ...te izuzetno i Federalno ministarstvo zdravstva).

Saglasno gore navedenom i pozitivnim propisima, a vezano za eventualne izmjene i dopune odnosno donošenje nove Odluke o Listi lijekova fonda solidarnosti Federacije BiH, tj. njenog „znavljanja”, nadležni su Federalno ministarstvo zdravstva i Vlada Federacije BiH , dok ovaj Zavod u vezi ovog pitanja može postupati samo u granicama mogućnosti i ograničenih nadležnosti koje mu ostavljaju odredbe gore navedenih pozitivnih propisa čija ga primjena obavezuje.

Dakle u vezi poslaničkog pitanja „Da li je ministarstvo u ovom momentu učinilo neke korake ?Ako nije da li ih planira i da dobijemo o tom informaciju?” odgovore može dati Federalno ministarstvo zdravstva kojem je i upućeno poslaničko pitanje, a u okviru gore navedenih nadležnosti.

Takođe u vezi postupanja i poduzetih mjera od strane ovog Zavoda , a vezano za postavljeno poslaničko pitanje napominjemo da je isti u okviru svojih ograničenih nadležnosti vezanih za donošenje propisa te vezanih za „ izvršavanje zakona i drugih propisa" i ranije više puta prema nadležnim organima upućivao inicijative te i mišljenja da se prije svega trebaju dosljedno primjenjivati postojeći/pozitivni propisi odnosno postupati i saglasno postojećim odredbama Zakona o zdravstvenom osiguranju po pitanju izdvajanja sredstava iz Budžeta FBiH za fond solidarnosti čime bi se omogućilo liječenje bez lista čekanja svih pacijenata kojima su potrebni lijekovi, medicinska sredstva i zdravstvene usluge koji se finansiraju sredstvima fonda solidarnosti. Federalni zavod je kroz izvještaje o izvršenju finansijskog planova ukazivao na nepoštovanje odredbe Zakona o zdravstvenom osiguranju od strane nadležnih organa po kojoj sredstva iz Budžeta FBiH moraju biti jednaka iznosu prikupljenih doprinosa iz obaveznog zdravstvenog osiguranja te je također davao mišljenja i upućivao inicijative da bi trebalo odgovarajućom izmjenom odnosno dopunom postojećih propisa od gore navedenih nadležnih organa, omogućiti i iznalaženje dodatnih izvora finansiranja ovog Zavoda kroz akcize, smanjenje ili ukidanje PDV-a na lijekove, uvođenje dodatnih vidova osiguranja itd., a sve u cilju osiguranja dodatnih finansijskih sredstva za Fond solidarnosti da bi se omogućilo nesmetana zdravstvena zaštita pacijenata koji koriste lijekove , medicinska sredstva i zdravstvene usluge koji se finansiraju sredstvima federalnog fonda solidarnosti.

Ovaj Zavod je takođe vezano za provođenje javnih nabavki, prema nadležnim organima poduzimao potrebne radnje da bi se otklonile nejasnoće u primjeni propisa koji se tiču provođenja javnih nabavki, da bi se obezbjedila zakonitost u postupanju kao i obezbjedilo kontinuirano snabdijevanje pacijenata lijekovima i medicinskim sredstvima koji se finansiraju sredstvima federalnog fonda solidarnosti (Inicirao izmjene kako „starog” tako i „novog” Zakona o javnim nabavkama; Dostavio Agenciji za javne nabavke na nadležno postupanje inicijative za izmjenu Zakona o javnim nabavkama koje su podnijela određena udruženja pacijenata; Tražio mišljenja od Agencije za javne nabavke i postupao po Rješenjima i zauzetim stavovima Ureda za razmatranje žalbi koji se objavljuju na portalu javnih nabavki; Tražio mišljenja od Federalnog ministarstva zdravstva, Zavoda za javno zdravstvo Federacije BiH, Agencije za lijekove i medicinska sredstva, Federalnog ministarstva finansija i drugih nadležnih organa te postupao po istim; Prema Agenciji za javne nabavke, zajedno sa Federalnim ministarstvom zdravstva, uputio Inicijativa za dopunu Zakona o javnim nabavkama, radi izuzimanja „lijekova koji se nalaze na listama i finansiraju sredstvima obaveznog zdravstvenog osiguranja od primjene javnih nabavki”. Takođe, o navedenoj inicijativi informisani su svi kantonalni/županijski zavodi zdravstvenog osiguranja, klinički centri i bolnice u Federaciji BiH kojima se vrši isporuka citostika i sve ustanove koje su se pismeno izjasnile vezano za naprijed navedeni Prijedlog Inicijative te su istu podržale odnosno saglasile se sa istom i dr.)

VI

Ovaj Zavod, ostaje, kao i do sada, na raspolaganju za davanje, saglasno pozitivnim propisima i na Vaše traženje i drugih potrebnih informacija iz njegove nadležnosti rada,.

S poštovanjem,

Dostaviti: 1. Naslovu

2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O.

Veza - Akt Vlade Federacije BiH
broj:03-04-1954-2077/2025 od 02.12.2025.godine

3. Federalno ministarstvo zdravstva C.O.
Veza - Akt Federalnog ministarstva zdravstva
broj:04-33-7288/25 od 05.12.2022.godine

4.a/a

Izv. prof. dr. sc. Vlatka Martinović, dr.med.

